

INUIT ATAQATIGIIT

Inatsisartuni



UKA 2018/156

01.11.2018

Mikivsuk Thomassen

Uunga siunnersuut: 2020-imit aallartittumik 2020-imut aningaasanut inatsit aqqutigalugu ukiuni sisamani misiligutaasumik ukiumut 4 mio. kr-it angullugit salliutitsilluni, ulloq 1. januar 2020 aallarnerfigalugu meeqqanut inuussuttunullu sumiginnagaasunut ornigullutik pinaveersaartitsinermik suliaqartussanik ”Unnuarissatut” taagorneqartunik isumassuisartunik illoqarfinni Nuummi, Tasiilami, Sisimiuni, Aasianni Qaqortumilu sisamanngornermit nal. unnukkut arfineq pingasunit sapaammi ullaakkut arfineq pingasut tungaanut aqqusinerni angalaartartussanik pilersitsinissaq pillugu Naalakkersuisut peqquneqarnissaannut Inatsisartuni aalajangiiffigisassatut siunnersuut.

(Inatsisartuni ilaasortaq Peter Olsen, Inuit Ataqatigiit)

Inuit Ataqatigiit sinnerlugit Peter Olsen siunnersuutaanut imaattumik oqaaseqassaagut.

Inuit Ataqatigiit pingaartorujussuurtut isigaat nuanatsinni meerartatta toqqissisimallutik inuuneqarnissaat. Meeqqat nunatta siunissaat qajassuutassaraagut, taamaattumillu meeqqat avatagiisaat mininnagillu angajoqqaat inuuniarnerminni atugaat inuiaqatigiillu ataatsimut isigalugit ataqatigiissaakkamik iliuuseqarsinnaasariaqarpugut. Meerartatsinnut illersuinermi siammasissumik suullu tamarmik ataqatigiinnerannik isumaliortaaseqarluta sulinissarput Inuit Ataqatigiit pingaartippaat.

Siunnersuut kajumissutsiminnik suliaartut “Unnuarissatut”-nik taasimasunik aallaaveqarpoq. Unnuarissat inoqarfinni atuussimapput, kajumissutsiminnilli suliniartut ikippallaalerneratigut suliarneq unittoorsimalluni. Inuit Ataqatigiit isumaqarput inuit kajumissutsiminnik pisortanullu attuumassuteqanngitsumik suliniartut nukerujussuarmik tunisisuusartut, pisortanillu isumalluuteqarnatik inissisimanerat nersugassaasoq. Inuiaqatigiittut inuttullu ataasiakkaatut akisussaaqataanertut tamanna isigaarput, tamannalu nukik inuiaqatigiinnut kivitseqataanertut

INUIT ATAQATIGIIT

Inatsisartuni



isigaarput.

Suliniaqatigiillu “Unnuarissat”-nik taagortut matumunnga qanoq isumaqarnersut isumasioqarsinnaqqullugit siunnersuutip aappaasaaneqarnissaanut ataatsimiisitaliamut susassaqartumut innersuupparput. Pingaartutummi isigaarput pineqartut akuutillugit suliap ingerlanneqarnissaa.